

**REPUBLIC DAY 2023 CHIEF GUEST THUSAWI
CHAMPHAI DISTRICT**

Thian duhtakte u, vawiin 26th January 2023, India Republic Day vawi 74-na ni ropui tak ah hian duhsakna chibai ka buk che u a, Chhangphut Field Champhaia a lawmna hun pawimawh tak hmang mek tu te leh live telecast hmanga he hun min hmanpuitute ka lo lawm vek a che u. Hun engngemaw chen atanga kan lo inbuatsaihna te min tihlawhtlin saktu Pathian hnenah lawmthu kan sawi a, a hlawhtlinna tura mahni zawn theuh a theihtawp chhuahtu te chungah lawmthu ka sawi bawk e.

Zirlai duhawm tak tak te leh armed and unarmed contingents ten thiam tak mai a March Past in rawn hlenchhuak te, kan sawmna leh ngenna ngaipawimawh a thiam tak a an chanvo rawn hlenchhuak tu Govt Mizo High School Pipe Band te chungah lawmthu ka sawi e.

khawvel ram te zinga ram ropui tak ni chho mek India hian hun harsa leh khirh tak tak a paltlang tawh thin a. Kum 1947 August ni 15 a British awpna atanga ram zalen anih atangin India ram hruaitute chuan dan leh hrai mumal taka kan in relbawlna tur an duang a, November 1947 ah India Constitution an siam chu Constituent Assembly in a ngaihtuah atan thehluh a ni a. Uluk taka zirchiangin an siamtha a, kumhnih hnu, 26 November 1949 ah Assembly chuan a pawm ta a. Document pawimawhte chu January ni 24, kum 1950 ah sign a ni a, India Constitution chu ni 26 January, kum 1950 ah hman tan niin he ni hi India President hmasaber, Dr Rajendra Prasad an office a chelh tan ni tak a ni nghe nghe a ni. India Constitution hian Government of India Act a luahlan a, India chu mipui ten an hruaitu an thlanchhuahna ram leh mahni a inrelbawlna Dan mumal tak nei ram ah a rawn chantir ta a ni. Vawiin a Republic Day kan lawm hian mipui ten ram hruaitu kan in pekte, kan in enkawlna tur Dan felfai tak kan insiama kan in pek te kan lawm a ni.

India Constitution hmahruai tu 'Preamble' chuan India chu Sovereign, Socialist, Secular, Democratic Republic State ah a puang a. India Constitution ah hian mipuite chanvo leh mawhphurhna pawimawh tak tak, Fundamental Rights leh

Fundamental Duties te tarlan an ni a, khua leh tui tha te chuan heng hi kan zawm ngei tur a ni.

Republic Day vawi 74-na lai hmang thei kan nih tawh avangin kan khawsak phung leh nundan ah pawh beiseina sang tak kan nei a. Champhai District pawh hian kawng hrang hrang in nasa takin hma kan sawn a ni. Sorkar Office pawimawh tak tak enkawltu Head of Office te leh an thawhpui te theihtawpa hma in lakna hi kan chhuang a, thahnemngai taka thawk zel turin ka sawm che u a ni. Inrelbawlna tha avangin mipui mimir hamthatna tam tak a awm thin. Kan District chhunga Department ten mipui hamthatna atana hna an thawh tam tak te avangin hma kan sawn ve zel a ni. Department hrang hrang hmalakna thenkhat te han tarlang ila:

1. Tui kang nghaka tuikhur a hun tam tak hmang thin te kha vawiin ah chuan PHED Champhai Watsan Division hmalakna hrang hrang avangin tui thianghlim kan inchhungah a lo thleng ta. Hei hian hriselna kawngah pawh nasa takin min pui a ni. Jal Jeevan Mission Scheme atangin tui thianghlim in tur khaw tam tak ah pek an ni a. Nizung chakna hmangin khaw 10 ah tui pekna tur buaipui mek a ni. **Champhai District Water and Sanitation Mission chu October 2022 atan India ram District 165 zinga Three Star Category ah Best Performing District kan ni a, he dinhmun kan hauh pha hi kan chhuang hle a ni.** Champhai khawpui timawitu leh khualzin te hip tur Keilunglah Tuikhuah chu hawn theih tep a ni a, Champhai tan ro hlu tak a la ni dawn a ni.
2. Champhai District police chuan mipui vantlang himna turin dan leh thupek kenkawhna ah theihtawp an chhuah a. Kan ram min run mek tu, ruihtheih thil chi hrang hrang pawh tha thlah lovin an man a, an thawhrimna hi kan chhuang hle a ni. September 2022 atanga December 2022 chhunga ruihhlo an man dan te tarlang ila:
 - i) Heroin 15.898 kgs - Rs.3,49,99,00,000/-
 - ii) Methamphetamine 62,6200 tablets - Rs.13,13,00,000/-
 - iii) Pseudoephedrine 1,80,000 tablets - Rs.12,60,00,000/-
 - iv) Liquid Acetone 6880 ltrs - Rs.3,44,000/-
 - v) Crystal Methamphetamine 20 kgs - Rs.1,00,00,000/-

- vi) Fake Indian Currency 197 nos. of Rs.500 denomination.
 - vii) Smuggled exotic animals - 140 species
3. Excise & Narcotics Department hma lakna in ruihhlo chi hrang hrang te man a ni a, tha thlah lovin theihtawp an chhuahna te hi a ropui hle a ni. September 2022 tatanga December 2022 chhunga ruihhlo an man dan te chu:
- i) Heroin 2.651 kg - Rs.31,81,200/-
 - ii) Methamphetamine 34.650kg (3,15,000 tablets) - Rs.9,45,00,000/-
 - iii) Pseudoephedrine 1.068 kg(8896 tablets) - Rs.53,376/-
 - iv) Ganja 2.7 kg - Rs.6750/-
 - v) Alprazolam 338 tablets - Rs.3,380/-
 - vi) Mihring man zat - 33
 - vii) Case Register zat - 25
4. UD&PA Department hnuaiiah DUDO kaihhruaina in Swatch Bharat Mission (Urban), National Urban Livelihood Mission (NULM) leh Pradhan Mantri Awaas Yojana - Housing for All (PMAY-HFA) te kalpui an ni a. Faina kawngah te, eizawna chi hrang hrang ah leh chenna in neih na ah te kan tangkaipui hle a ni. PMAY (U) - HFA ah hian tun hnaia Mizoram chhunga District hrang hrang hnathawh danah Champhai District chuan overall ranking ah pakhatna kan hauh a, Department a thawktu te leh thuawih taka scheme in a phut ang tihlawhtling tut e chungah lawmthu kan sawi a, kan district tihmingtha tu te kan chhuang hle a ni.
5. Environment, Forest & Climate Change Department hnuaiiah DFO kaihhruaina in hma tam tak lak a ni a, chung zingah chuan Zotlang hmun hlui Champhai ah Botanical Garden changtlung tak nei turin hma lak mek a ni. Zirlaite tan inzirna tha tak a la ni dawn a, khualzin te leh mipui vantlang tan len khawthawna nuam tak ala ni dawn a ni.
6. District Horticulture Office hmalakna in thei leh thlai chi hrang hrang ah hma lak mek a ni a. MIDH hnuaiiah tomato leh zikhlum hlawhtling taka chin a ni a. September - December 2022 chhungin tomato 1098 Qtls , Rs.49,85,390/- man leh zikhlum 749 Qtls, Rs.34,67,160/- man tharchhuah a ni. Champhai District a khaw hrang hrang Selam, Ngur, Mualkawi, North Khawbung, Zote, Khuangleng, Chawngtui, Bungzung etc atnga serthlum thar 650 qtls atanga

sum hmuh chu Rs.25,99,690/0 a ni a. Selam khua chu serthlum tharchhuak tam ber a ni. Chhunkaw 574 in MIDH hnuaiiah Mizo Hmarchate an ching a. Qtl 752.40 tharchhuakin sum an hmuh zat hi Rs.1,88,10,000/- a ni.

7. DRDO CHamphai hnuaiiah MGNREGS, PMAY-G leh PMKSY 2.0 te kalpui a ni a. MGNREGS ah hian Job Card 17873 awm in ni 72 chhung inhlawhna pek a ni tawh a ni.
8. District Transport Office hnuaiiah kum 2022 chhunga hmalakna thenkhat te hetiangin ani;
 - i) Motor Register zat - 604
 - ii) Two Wheeler Register zat - 810
 - iii) Revenue lakkhawm zat - Rs. 2,25,14,813/-
 - iv) Parking Fee khawn zat - Rs.5,56,150/-
9. Fisheries Department Champhai District in kum2022 chhunga hma a lakna thenkhat te :
 - i) Pradhan Mantri Matsya Sampada Yojana (PMMSY) Scheme - sangha dil thar siamna te, sangha no te khawina te, buh kara sangha chi dah te in hma lak a ni.
 - ii) Socio-Economic Development Policy (SEDP) - Sangha khawitu mi 280 te hnenah Rs.25000/- theuhin sangha dil atana pawimawh leina turin tanpuina pek an ni. Sangha khawitu te hnenah 70% subsidy in sangha chi 2,00,000 pekchhuah a ni.
 - iii) Article 275(1) of the Indian Constitution atangin Champhai sangha khawitu mi pathum te hnenah Cold Storage siam nan Rs.15 lakh theuhin tanpuina pek an ni.
10. PWD : Formation cutting hi 22.80 km zawhfel a ni tawh a. Flexible (BT) Pavement hi 3.35 km zawhfel tawh a ni. Rigid (CC) Pavement hi 23.38 km zawhfel tawh a ni. Champhai khawchhung a kawng te siamthat mek a ni a. New Champhai - Zotlang kawng a accident tamna hmun chu him zawka chei that a ni.

11. District Civil Supply Office hnuaiheng te hi hmalakna an ni:

- i) Champhai District chhungah mipui ten buhfai leh chini an quota ang kim takin an dawng vek thin.
- ii) Godown tinah buhfai tam tawkt hla engngemaw zat daih chhek khawl a ni.
- iii) LPG leh POL ah te Champhai District chhungah harsatna awm lovin kan kal thei ani.
- iv) Sawrkar duhdanin Ration Card leh Aadhar thlunzawm hi 99.20% zawh tawh a ni.
- v) Ration Card siam hi nitin chak taka kalpui a ni.
- vi) LPG Home Delivery hi District Hqtrs ah kalpui mek a ni.

12. District Hospital Champhai:

- i) Paediatric ICU khum pali leh Paediatric HDU khum 8 awm na tur buatsaih mek a ni.
- ii) Give Foundation and Mission ICU hnen atangin heng hmanrua te hi dawn a ni a, bun tura hmalak mek a ni-
Ventilators 2 units, Bipap 2 units, Monitor 5 para, 2-function ICU cots 10 units, Syringe pump 2 units leh Infusion pump 2 units.

13. FOCUS hnuai ah heng kawng hrang hrang hian hmalak a ni; leilet enkawl na, tui dahkhawl na leh sem darhna, tui lian dan na, tui khuah siamna leh terrace laih n ate. Loneitu ten nasa takin hma an sawn phah mek a ni.

14. Irrigation & Water Resources Department, Champhai Division: Bore wells 28 siam zawh tawh a ni a, chhungkaw n65 in an chhawr a, hei hian hectare 50 a zau a chawm a ni.

15. AH & Vety Department:

- i) National Livestock Mission (NLM) atangin beneficiary 55 an awm a, Goatery ah mi 10 tan Rs.62,700/-, Piggery ah mi 35 tan Rs.19,950 leh Piggery (3 sow) ah mi 10 tan Rs.1,00,000 theuh pek an ni.
- ii) SEDP hnuaiheng Poultry mi 626, Piggery ah mi 1200, Hill Cattle ah mi 235, Mithun ah mi 164, Dairy ah mi 1 leh Goatery ah mi 51 te awmin beneficiary 2277 an nei a, 1st Installment semzawh tawh niin mi pakhat ah Rs.25,000/- zelin a vaiin Rs 569,25,000/- sem a ni.

- iii) FOCUS hnuaiah arte 33,600 mi 1680 hnenah sem a ni. Ar chaw, chaw pekna leh tui pekna sem tel a ni.
- 16. Sericulture Department: September - December 2022 chungin Thingtheihmu maimaw pangang atangin cocoon 539.2 kg an thar a. Mutih maimaw pangang atangin cocoon 16.1 kg leh buhchium 80 kg an thar bawk. Mulberry Seed Farm atangin a chi chhuah tur seed cocoon 23 kg thar a ni bawk. SEDP hnuaiah 1st Installment Rs 25,000/- zelin chungkaw 19 hnenah pekchhuah a ni. Silk Samagra-2 hnuaiah Eri Development Project kalpui turin chungkaw 100 chuang te tanpui mek an ni.
- 17. DIC Champhai : UDYAM hnuaiah industrial units/enterprise 396 te chu registered an ni. PMEGP loan diltu mi 5 te chu SBI, MRB leh MCAB Branch ah te recommend an ni.
- 18. District Child Protection Office : Champhai Observation Home, Zote chu hawn a ni. Children's Day , Children's Carnival leh International Adoption Month ah te program huaihawt a ni a. Champhai District chungah awareness campaign tum 14 siam a ni. DLAO, LAD Champhai;
 - i) RGSA atangin Panchayat Bhavan (VC House) thar 14 sakna tur leh a thawmt thatna tur 8 dawn a ni.
 - ii) Excluded Area Grant 2019-2020 atangin village council hrang hrang te hnenah khawchhung hmasawna tur atan Rs.183.54 lakh pekchhuah a ni.

Kan District mipui te hian kawng hrang hrangin hmasawn na kan um phak zel a ngai a. Rual awhna dik kan neih a pawimawh hle a ni.

1. Hmasawna nghet nei turin ngaihpawimawh tur tam tak kan nei; chung zingah chuan zirna, **hriselna leh infiamna** te kan dah pawimawh a ngai hle. Thil dang te ngaihthah chuang lovin heng kawng thum ah te hian nasa lehzualin tan i la teh ang u.
2. District Magistrate atangin mipui zawm tur thuchhuah kan hmu fo thin, heng thuchhuah te hi uluk taka zirchianna nena mipui hamthatna tur a chhuah anih avangin theihtawpa zawm a, ngaipawimawh zel turin mipui te ka ngen a ni.

3. Kan district chhungah kawngpui tha tak tak te kan nei a, Aizawl nena kan inkar kawng pawh nasa takin cheibawl mek a ni. Inkalpawhna tha hian hmasawna hrang hrang a rawn keng tel dawn a, theihtawp chhuah in kawngpui tha kan neih theih nan i tanglang ang u.
4. Kan District in rohlu tak tak kan nei, chungte chu kan pipute sulhnu te hi an ni. Vawng him ila, uluk takin enkawl ila, khualzin tam tak min hip sak tu , kan economy siamtha thei tu an nih zia hi hre reng ang u. Mithiam ten kan pipute chanchin an zirna atana thil hlu tak tak kawltu te kan nih avangin pipute sulhnu ngaihhlut leh vawnhim kawngah hma i la zel ang u.
5. Nitin a min run tu ruih hlo chi hrang hrang te dona kawngah tan lak mar a ngai hle mai. Kan Police leh Excise te tichak a thawhpui tlat tu NGO hrang hrang te leh kohhran hrang hrang te chungah lawmthu ka sawi a. Nasa lehzual in kan ram leh hnam humhim zel turin hma i la ho zel ang u.
6. Mitin ten kan taksa, rilru leh thlarau tana hmasawna turin tan la ila. Khawtlang nun nuam tak leh him tak, hmasawna kawng hrang hranga rual elna dik nena penchhuak nun nei turin hma i la ang u.

Republic Day hlawhtling taka hmang tura Sorkar Department hrang hranga Head of Office te leh an thawhpuite, NGO leh Kohhran hrang hrang te kan thawh hona hian min tilawm a, kan thawh hona tha tak hi District hmasawna turin vawng nung zel ila, kan thiltih apiang te malsawmtlak alo nih theih nan fimkhur takin ke i pen ho zel ang u.

Republic Day ah hian District mipui zawng zawng te duhsakna ka hlan a, hlim tak leh phur taka kan hmalam eng tak thlir chungah mahni zawn theuh a hmasawn turin duhsakna ka hlan a che u.

Ka lawm e.

Jai Hind.